



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

Quemadmodum Fraternitates reformandæ sint. 21

urn:nbn:de:hbz:466:1-14298

CAP. XVII. Cur reconcilietur templum aut cæmeterium.

RECONCILIATOR Ecclesia aut cæmeterium ob seminis emissionem, peccandi libidine factam; itidem ob enormem sanguinis effusionem, dedita opera violenter & injuriose commissam, ac aliis quibusdam de caulis; qui mos ex Levit. 14, & 15 suam originem trahit. Fit autem haec reconciliatio, non quod templum revera polluantur; Ecclesia enim, quum sancta sit, coquinari non potest; immo ipsius loci sanctitas, infamiam loci abolet: sed, quum templum locus sit, ubi delictorum venia postulatur, ubi salutaris Hostia pro peccatis immolatur, ubi Deo laudes exolvuntur, ubi tutela refugii esse debet; sit, ut scandulum, horror, atque abominationis turpitudinis & peccati, ibi commissi, propositum quoque & voluntas letaliter delinquentis, in causa sint, ut sacer locus reconcilietur; idque ad exemplum & terrorem; ut, videntes, locum sacrum seu inanimatum templum, nullo peccato obnoxium, lavari & purificari, delicti horrore concutiantur, & recognitent, quantum, pro expiatione delictorum, vivo Dei templo fit elaborandum. Sic Christus ementes & vendentes è templo ejicit, flagello facto de funiculis; ipsos acerrime corripiens, ac dicens: Domus mea, domus orationis vocabitur; vos autem fecistis illam speluncam latronum. aliud quidem agens, aliud verò innuens.

MAT. 21.
JOAN. 2.
CAP. XVIII. Quæ pollutio reconciliationem requirat.

NON tamen omnis pollutio hanc reconciliationem requirit, sed tantum publica vel per rei evidentiam, vel saltem per famam. Quod si occulta sit contaminatio; quæ etiam Baptismi ac Pœnitentiæ sacramenta non remoratur; solemnitas non exigitur; quod ratio reconciliationis in occultis non habeat locum.

CAP. XIX. Quorum sumptu & expensis reconciliatio facienda.

RECONCILIATIONEM autem ejusmodi gratias fieri, ac tamen itineris sumptus Vicariis nostris in Pontificalibus suppeditari volumus. Qui quidem sumptus ex Bonis delinquentis delumentur; modo tamen tantæ illius facultates sint; si secus, Parochiani non gravabuntur vel tantillos sumptus itineris suppeditare, ne populus præter culpam suam gravetur. Ne vero diutius, ob talen pollutionem, Divinum suspendatur Officium, aut Ecclesiastica intermititur sepultura; Vicarius Noster in Pontificalibus, statim ut vocatus fuerit à populo, (modo gravioribus rebus id temporis non fuerit implicitus) ultro ibit, Officium suum expleturus.

CAP. XX. Immunitatem Ecclesiasticam in duobus potissimum sitam esse.

IMUNITAS Ecclesiastica, vetustissima res est, Iure pariter Divino ac humano introducta; quæ in duobus potissimum sita est. Primum, ut Clerici, illorumque possessiones & bona, à vectigalibus & tributis, aliquique muneribus Laicis libera sint. nam (ut de libertate Levi-tarum fileamus) non temere refert Scriptura, Pharaonem totam terram Ægypti sibi tributariam fecisse, præter terram Sacerdotum, & possessiones quæ à rege traditæ fuerant eis, quas vendere non sunt compulsi: quin potius ipsis etiam statuta cibaria ex horreis publicis præbabantur, ut legimus Genes. 47. Deinde, ne rei criminis, ad Ecclesiastis confugientes, inde violenter extrahantur; exceptis publicis latronibus qui per industriam proximum occident, ac nocturnis depopulatoribus agrorum, qui itinera obsident aggressionum infidiliis; denique his, qui sub immunitatis spe in Ecclesiis ac cæmeteriis delinquent. Quod si à confugientibus ad Ecclesiastis paria his commissa sint crimina, quæ reipublicæ referat puniri; tandem si faltem debet secularis potestas à manuum injectione abstinere, donec Nostris consulari Officiales, ne devenire necesse sit ad cessiones à Divinis & interdicta, quæ visum est antecessoribus Nostris, ob violationem ejusmodi immunitatis, editis constitutionibus promulgare.

CAP. XXI. Quemadmodum Fraternitates reformandas sint.

FATERNITATES, quæ vocantur, & in honorem aliorum Sanctorum in Ecclesiis sunt, speciem quidem pietatis habent; sed, quales hac tempestate servantur, nempe in quibus tam Clerici, quam Laici, potissimum confessionibus & ebrietatibus vacant, interdum etiam variis conspirationibus adversus potestates intenti sunt, si non omnino sublatas, saltem correctas ac reformatas volumus. Omnino sublatas malimus; ac, reditus seu census earundem, vel in usus pauperum vel Parochi, expendi, Nobis magis placuerit. At, cum haec Sodalitates forsitan præter publicum offendiculum, ac pauperum (qui ab eis Eleemosynas ex constitutione accipiunt) præjudicium, commode tolli non possint; videbimus inter visitandum, ut saltem tollantur abusus, ut prima servetur institutio & examinentur formulæ earum & statuta, ut ratio ac calculus singulis annis per Provisores (ut vocant) earundem Fraternitatum coram Parochis Ecclesiasticis reddatur, ut superextantes fructus ac reditus in pauperum seu Ecclesiæ usum ac utilitatem convertantur, aut etiam inde aliquid Parocco ad victimum decidatur.

P A R S